

## TEXTOS DE POESIA TROBADORESCA

### Estat ai en greu cossirier

- I            Estat ai en greu cossirier  
              per un cavaller q'ai agut,  
              e voill sia totz temps saubut  
              cum eu l'ai amat a sobrier;  
              ara vei q'ieu sui trahida  
              car eu non li donei m'amor,  
              don ai estat en gran error  
              en lieig e qand sui vestida.
- II            Ben bolria mon cavallier  
              tener un ser e mos bratz nut,  
              q'el s'en tengra per ereubut  
              sol q'a lui fezes cosseillier;  
              car plus m'en sui abellida  
              no fetz Floris de Blanchaflor:  
              eu l'autrei mon cor e m'amor  
              mon sen, mos huoills e ma vida.
- III           Bels amics, avinens e bos,  
              cora·us tenrai e mon poder?  
              e que jagues ab vos un ser  
              e qe·us des un bais amoros!  
              Sapchatz, gran talan n'auria  
              qe·us tengues en luoc del marit,  
              ab so que m'aguessetz plevit  
              de far tot so qu'eu volria.

### Comtessa de Dia

NOTA: Disposeu de la versió al català en la proposta didàctica